

Beavdegirji

Sámiministariid ja sámedikkiid presideanttaid čeahkkin Stockholmas skábmamánu 22. b. 2010

1. Davviriikkalaš sápmelaš giellabálkkašupmi – Gollegiella

Ministarat ja sámedikkepresideanttat dohkkehit ovttamielalaččat Davviriikkalaš sápmelaš giellabálkkašumi – Gollegiella – njuolggadusaid rievdadusevttohusaid. Dat leat dán beavdegirjji lasáhussan.

Fuopmášuvvo ahte maiddái giellabálkkašumi várás sierra namahuvvon árvoštallanlávdegoddi ovttamielalaččat lea namahan jagi 2010 vuotiid ja lea addán čálalaš ákkastallama. Vuoitit leaba Máret Sára ja Lajla Mattsson Magga.

Sámeáššiid davviriikkalaš virgeolmmoškomitea bivdojuvvo válbmejuvvot jagi 2012 bálkkašumi juohkin.

2. Davviriikkalaš sámekonvenšuvdna – joatkkabargu

Čeahkkimisteaset 12. 11. 2008 sámiministarat ja sámedikkiid presideanttat ledje ovttá oaivilis das, ahte davviriikkalaš sámekonvenšuvdnabargu berre jotkojuvvot. Sámeáššiid davviriikkalaš virgeolmmoškomitea bivdojuvvui ráhkaduvvot evttohus das mo vejolaš ráddádallamat galget čadahuvvot. Dát bargu lea dál gárvvis ja ráddádallanvuohki gávdno lasáhusas. Sámiministarat ja sámedikkiid presideanttat leat ovttá oaivilis ahte joatkevaš proseassa galgá ollašuttuot dan ráddádallanvuohkeevttohusa mielde, mii lea dán beavdegirjji lasáhussan.

Stockholmas skábmamánu 22.b. 2010

Eskil Erlandsson

Tuija Brax

Rigmor Aasrud

Ingrid Inga

Klemetti Näkkäljärvi

Egil Olli

(jorgalus ruotagielas)